



*Selasa, 22 November 2022*  
**Ogen: ROMA 16:1-2**



*Alckenlah Ia*



**S**ekalok penden teridah ndele kel, bertinna sangana mbelin. Nuri-nuri ia man temanna, maka situhuna kehamilenna si pe-empatkan enda tuhu-tuhu ngguluti ukurna. Sebab enggo 3 tubuh anak diberu siarah lebe. Rikutken pendahin ras kengasupen ekonomi bas jabu si telu e pe nggom cukup sulit mpekena-kenasa. Tapi subuk perbulangen ras sienterem rusur ngerana daramilah anak dilaki. I bas ia natang tuah si peempatkan e, aru atena uga adi diberu ka situbuh?

Uga maka sulit ngaloken adi anakta diberu ngenca, ntah diberu kerina? Apakah enggo pasti adi tubuh anakta dilaki maka nggo kuh keriahenta? Apakah jaminen maka anak dilaki sipupus kita e e pagi asa metua, lanai banci ceda ateta ibahanna? Labo lit kai pe bas doni enda banci jadi ingan ernalem. Saja kai pemere Dibata pasti e hal terbaik dan terindah. Anak dilaki ntah pe diberu kerina memiliki potensi dan kesempatan yang sama untuk menjadi luar biasa, tergantung uga kita membina relasi baik dan penuh dukungan kasih sayang man anak-anakta.

I bas Tuhanta Yesus labo erndobah bas ia dilaki ras diberu. Rekan pelayanenNa lit dilaki, lit diberu. Rasul Paulus pe bage, i bas ogenta enda ipindona gelah Febe ialoken bas gereja, iperlakukan uga kin perpulungen e ngalo-ngalo Paulus ras pengerja si dilaki sidebanna. Sebab Febe, aminna pe sekalok diberu pe ia mbue nggo isampatina jelma sienterem. Kepeken ise pe banci ipake Tuhan. Amin gia imam e ikataken arus dilaki, tetapi peran pelayanan pe atan nge diberu, sebab Tuhan Yesus nggo meneken sekat-sekat pembeda antara dilaki ras diberu. Dilaki ras diberu lit kelemahen ras kelebihenna. Mari fokus kubas kelebihen teman maka teraloken kita ia uga litna.